



**M. Antonii Marsilii Colvmnae, Bononiensis, I. C.  
Archiepiscopi Salernitani, De Ecclesiasticorum Reddituum  
Origine, & Iure Tractatvs**

**Colonna, Marcantonio**

**Venetij, 1575**

Cap. I. Vnde antiquitus apud Hebræos, alios[que] itidem po pulos  
nonnullos sacerdotibus necessarij sumptus suppeterent: & qua ratione  
Christus Dominus noster, dum inter homines ageret, sibi, ...

---

[urn:nbn:de:hbz:466:1-61495](https://nbn-resolving.de/urn:nbn:de:hbz:466:1-61495)



M. ANTONII MARSILII  
COLVMNAE, BONONIENSIS I. C.  
ARCHIEPISCOPI SALERNITANI,

De Ecclesiasticorum Reddituum  
Origine, & Iure

T R A C T A T V S.

P A R S P R I M A.

A R G U M E N T U M.

Unde antiquitus apud Hebraeos, aliosq; itidem populos non-nulos, sacerdotibus necessarij sumptus suppeterent, & qua ratione Christus, Dominus noster, dum inter homines ageret, sibi suisq; ad uiculum necessaria pararet.

R E R V M S V M M A E.

- 1 Sacerdotes varia victus ratione usi sunt.
- 2 Aegyptij generis vetustate ceteris se se antecellere iactabant.
- 3 Aegyptij sacerdotes ex publicis horreis alebantur.
- 4 Soli sacerdotes apud Aegyptios tempore famis fuerunt im-munes à possessionum suarum venditione.
- 5 Romani sumptus in rebus sacris necessarios ex publico sug-gerebant.

291

A 6 SA-

2 De Ecclesiast. Reddit. Orig.

- 6 Sacerdotes apud Romanos primitias ante omnes libabant.
- 7 Sacerdotium sub lege naturae erat apud primogenitos
- 8 Spiritualis portio, quam præter temporalem primogeniti habebant, incerta erat.
- 9 Decimas tres soluebant Hebrei; unam Leuitis, alteram infra epulas, pauperibus tertiam.
- 10 Primitias insuper soluebant sacerdotibus.
- 11 Delictorum mulctæ sacerdotibus adiudicatae apud Hebreos.
- 12 Christus, Servator noster, proprias habuit facultates.
- 13 Ecclesiasticae pecuniae conseruandæ forma quando primum instituta.

C A P V T P R I M V M.

**D**E fructuum Ecclesiastico*rum* iure tractaturi, nihil rectius facere nos posse arbitrati sumus, quæm ut eorum antea originem indagaremus, cùm minimè dubitandum sit, quin multò facilius hac in re ueritatē sit assecuturus, qui antiquitatem omnem breuiter antea animo perlustrauerit, ac singulis ætatibus animaduerterit, unde sacerdotibus necessarij sumptus suppeterent, & quomodo res paulatim ad eum, quem uidemus, statum perducta fuerit, quæm qui harum rerum omnium ignarus nudum tātūm corticem, solamque eam, quæ cuiusque oculis obuia fit, præsentiu[m] rerum formam intueatur. Atqui certè hoc ipsum explicatu tantò difficilius est, quanto magis in hoc uariatum reperitur: siquidem sacerdotes varia victus ratione, prout temporum tulit conditio, fuisse vsos; vel si nulla ex re alia id appareret, tamen ob miram rerum humanarum varietatem & inconstantiam credibile admodum esset. Verum hoc per se tam apertum est, tamque perspicuè ex totius antiquitatis serie intelligitur, vt nullus conjecturæ locus esse possit. Apud Aegyptios (ut ab Ethnicis exordiētes

- 2 tes, atque ab ijs potissimum, † qui generis uetus state (ut au-  
tor est Iustinus) cæteris nationibus sese antecellere iacta  
bant, ad verē religionis cultores mox descendamus) eum  
3 fuisse morem accepimus, † ut sacerdotibus suis ex Pry-  
tanæo, seu publicis horreis, certa quædam cibaria præbe-  
rent. Qua ex re factum est, vt cum fame Aegyptij aliquan-  
do præmerentur, ac cogerentur cæteri omnes pro frumē  
4 to agros quisque suos Pharaoni adjudicare, † soli sacerdo-  
tes possessionum suarum dominium retinuerint, Genes.  
5 47. Ioseph. Lib. 2. antiquit. Iudaic. cap. 4. † Non absimile  
fuit ueterum Romanorum institutum, qui sumptus sacris  
in rebus necessarios iam inde à Numæ temporibus sug-  
gerere sacerdotibus ex publico cæperunt, ut Liuius Lib.  
6 1. commemorat. † Hinc & Plinius Lib. 18. cap. 2. Ac ne  
degustabant quidem, inquit, nouas fruges, aut uina antea,  
quæ sacerdotes primitias libassent. Nec minus etiam in  
Virgines Vestales se munificos Romani præbuerūt, quas  
propterea diligebant, publicisque sumptibus alebant, vt  
templo eæ semper assisterent, Deosque illos suos perpe-  
tuò venerarentur: quos autem Deos? commentitios ni-  
mirum ac ludicos arculisque & thecis aureis, argenteis,  
plumbeis, aut ligneis conclusos, ut non immerito stoma-  
chentur Lactantius in libris diuinorum Institutionum, &  
Arnobius contra gentes, quod uideant tantam hominū,  
alioquin non contemnendorum, cœcitatem extitisse, ut  
quasi cimerijs (quod aiunt) tenebris intuoluti suum ipfi  
errorem nulla ex parte agnoscerent. De Vestalibus autē  
ita Liuius. Numa, inquit, Virgines Veste legit Alba oriun-  
dum sacerdotium, & genti conditoris haud alienum; his  
ut asfiduè templi antisites essent, stipendum de publico sta-  
tuit, uirginitate aliisque ceremoniis uenerabiles ac sanctas  
fecit. Sed missa umbratili, commentitiaque illorum re-  
ligione, qui tenebris undequaque obsidebantur, ad

A 2 ueri-

4 De Ecclesiast. Reddit. Orig.

ueritatis lucem iam deueniamus , ac de ijs loquamur  
sacerdotibus, quos uerè sacerdotes possumus appella-  
re. † Satis constat primis illis temporibus, quibus exta-  
bant Patriarchæ, ac sub naturæ (quam uocant) lege homi-  
nes viuebant, fuisse sacerdotium apud primogenitos, qui  
præter proprium patrimonium, spiritualē et portionem  
obtinebant: † spirituali uero huic portioni nulli certi limi-  
tes erant circumscripti, cum & sacerdotes, quicquid ipsis  
dabatur, possent accipere, & dantibus nulla imponeretur  
necessitas, sed sponte id daret unusquisque, quod sibi libi-  
tum esset, D.Tho.2.2.q.87.ar.1.ad 3. Sot. de iust. & iur.  
lib.9.q.4.ar.1.ad 3. Tiraquell.in tract.de iure primogē.  
in præfatio. nu. 18. Atque hoc spectat quod legimus A-  
brahamum propheticō quodam instinctu Melchisedech  
sacerdoti decimas dedisse, Genes. cap. 14. Item & Iacob  
Deo decimas uouisse: ita enim ipse loquitur Genes. 18.  
*si fuerit Deus mecum, & custodierit me in via, qua ambu-  
lo; cunctorum, qua dederis mihi, decimas offeram tibi.*  
9 † Porro ueteris legis succedente tempore, cum à durissi-  
ma Aegyptiorum seruitute Hebræus tandem populus li-  
beratus esset, atque in terram uberrimā amplissimam que  
diuino beneficio traductus, binas decimas iussus est quot  
annis Leuitis alteram, alteram in sacras epulas pendere;  
quibus mox accessit & tertia, quæ tertio quoque solueba-  
tur anno, atque in egenos, uiduas, pupillosq; distribue-  
batur. † Præter decimas uero primitiæ insuper solueban-  
tur; si quidem institutū illud passim inualuerat, ut primos  
quosque fructus, cuiuscunque ij generis essent, cogeretur  
unusquisque perferre in templum, ac pro accepta terra,  
quæ eos tulerat, Deo gratijs actis, & sacrificijs ritè pera-  
ctis, primitias sacerdotibus offerre, Deu.cap. 5.Ioseph.Li-  
bro 4.antiq.Iudaic.cap. 8. † legimus insuper delictorum  
multas Aaroni, eiusq; filijs Dei mandato fuisse assigna-  
tas,

tas, Num. cap. 18. quo loci habentur hæc uerba ; *Omnis oblationis & sacrificium, & quicquid pro peccato atque delicto redditur mihi, & cedet in sancta sanctorum, tua erit, & filiorum tuorum.* Cum igitur sacerdotum esset ea pecunia, propterea in templum nequaquam solebat inferri , uti ea inferebatur , quam spōnte quisque offerebat , utpotè quæ in templi restorationem conuertenda erat, libro 4. Reg. cap. 12. Hosce Hebræorum ritus subinde excepterūt Seruatoris nostri tempora, qui ueluti Eoum, nitidissimū que sydus lucis suæ splendore caliginem planè omnem  
12 hominum mentibus procul amouit. † Pertenuerūt ille quidem, sed tamē aliquas habuit facultates : neque enim eam sibi uitæ rationem instituendam putauit, ut præ inopia mendicare cogeretur , id quod sacræ paginæ perspicuum reddunt; à quibus, cum quidam aliquando non minus stulte quām impiè dissentirent, iure optimo illos dānauit Io. XXII. extrauag. Cum inter nonnullos, & extra uag. Quia quorundam, de uerb. sign. ubi Zenzilinus. Etenim solebat clementissimus ille naturæ humanæ redemptor oblatam sibi pecuniam , aut quoquo modo quæsitā custodire, ex qua uictum uestitumque tam sibi, quām se-  
ctatoribus suis compararet: propterea Euangelista , cùm de Iuda loquitur, in quem protinus accepta bucella Sathanas introiuit , postquām retulit uerba magistri ipsum alloquentis, *Quod facis, fac citius, ita subiicit;* Hoc autem nemo sciuit discubentium ad quid dixerit ei : quidam enim putabat quia loculos habebat Iudas, quod dixisset ei Iesus: eme ea, quæ opus sunt nobis ad diem festum , aut egenis ut aliquid daret. Vnde Augustinus c. 15. de mēdacio ad conscientiam Tom. 4. Habebat, inquit, loculos Dominus a fidelibus oblata conservans , & suorum necessitatibus & aliis indigentibus tribuebat. † Tūc primū Ecclesiastica pecuniae forma est instituta, & ut intelligeremus, quod p̄cipit non esse de crastino cogi  
13 boup

A 3 tandem,

## De Ecclesiast. Reddīt. Orig.

sandum, non ad hoc fuisse praeceptum, ut nihil pecuniae serue tur a sanctis, sed ne Deo propter ista seruetur, & propter inopia timorem iustitia deseratur. Atque haec totidem uerbis retulit Gratianus in c. habebat, 12. q. 1.

## ARGUMENTVM.

Quam Ecclesiæ formam, ac querendi victus rationem post Christi ad patrem ascensum Apostoli instituerint.

## R E R V M S V M M A E.

- 1 Apostoli ante omnia Episcopos ordinarunt, eisq; parochias as signarunt, quæ diæceses postmodum fuerunt appellatae.
- 2 Clerici quo primum tempore instituti.
- 3 Clerici partim presbyteri, partim Diaconi consecrati.
- 4 Animarum cura presbyteris commissa.
- 5 Diaconis pupillorum, & uiduarum cura demandata.
- 6 Apostolorum tempore omnia communicabantur.
- 7 Venditarum rerum pretia ante pedes Apostolorū ponebantur.
- 8 Apostolorum in uiuendo institutū retinuit Clemens Potifex.
- 9 Ecclesiam futuram in gentibus preuidebant Apostoli, ideo necessarium non ducebant in Iudea possessiones comparare.
- 10 Presbyteri & Diaconi, quorum antea incertus erat numerus, ad certum numerum redacti.
- 11 Parochiæ presbyteris diuise, ac singuli singulis praefecti, moxq; in eadem ob credentium multitudinem plures constituti.
- 12 Vitæ communio nulla cogente lege seruabatur.
- 13 Dominia incerta non erant communis uitæ tempore.

## CAPUT SECUNDUM.

**P**OSTEAQ; uero relictis terris Seruator noster in coelum diuinitus euolauit, non eadem prorsus, quæ antea, tunc uiuendi ratio seruata fuit. Quocirca ut clarius explicetur, quod